

8. gr.

Allar kröfur á grundvelli húsbréfa fynrast, sé þeim ekki lýst hjá Byggingarsjóði ríkisins innan 10 ára frá gjalddaga, hvort sem um útdrátt á föstum gjalddaga eða lokagjalddaga er að ræða. Gjaldfallnar endurgreiðslur húsbréfa bera ekki vexti eða verðbætur eftir gjalddaga.

9. gr.

Skattskylda eða skattfrelsi húsbréfa, vaxta og verðbóta af þeim, fer eftir skattalögum á hverjum tíma, sbr. nú 8. gr., 1. tl. B-liðar 30. gr., 74. og 78. gr. laga nr. 75/1981, með síðari breytingum, sbr. einnig lög nr. 7/1974 og lög nr. 79/1983, og lög nr. 117/1990 og loks sbr. lög nr. 76/1989, 2. gr., s-lið. Húsbréf eru framtalsskyld.

10. gr.

Reglugerð þessi, sem sett er samkvæmt lögum nr. 76/1989 um breytingu á lögum um Húsnæðisstofnun ríkisins, nr. 86/1988, sbr. lög nr. 109/1988, öðlast gildi þegar í stað.

Félagsmálaráðuneytið, 15. ágúst 1990.

Jóhanna Sigurðardóttir.

Berglind Ásgeirsdóttir.

REGLUGERÐ**um ríkisábyrgð á launum.**

1. gr.

Ábyrgð ríkissjóðs á launakröfu og kröfum vegna riftunar eða uppsagnar vinnusamnings, sbr. a. og d. liði 4. gr. laga nr. 88/1990, sem viðurkenndar hafa verið sem forgangskröfur í þrotabú vinnuveitanda eru takmarkaðar hvað fjárhæð varðar með eftirfarandi hætti. Ábyrgð ríkissjóðs skal ekki nema hærri fjárhæð miðað við einn mánuð en sem nemur þreföldum atvinnuleysisbótum, eins og þær eru ákveðnar hæstar á hverjum mánuði, án tillits til barnafjölda. Hámarksfjárhæðin skal fundin þannig að hæstu dagpeningar atvinnuleysisbóta í þeim mánuði sem gjalddagi kröfu fellur til margfaldast með meðalfjölda vinnudaga í mánuði miðað við eitt almanaksár, þ.e. 21.67, sú niðurstaða sem þannig fæst er síðan margfölduð með þremur.

2. gr.

Ríkissjóður ábyrgist greiðslu á kostnaði er launþegi hefur orðið að greiða vegna nauðsynlegra ráðstafana til innheimtu kröfu sinnar á hendur vinnuveitanda. Hið sama á við þá er krefjast bóta sem vinnuveitanda ber að greiða vegna tjóns af völdum vinnuslyss, eða til þess sem á tilkall til bóta vegna dauðsfalls launþega.

Sá kostnaður sem hér um ræðir og ríkissjóður ábyrgist er tvíþættur. Hafi launþegi hafið lögformlegar innheimtuaðgerðir fyrir gjaldþrot greiðir ríkissjóður sannanlegan kostnað sem launþegi hefur orðið að greiða.

Eftir að bú hefur verið tekið til gjaldþrotaskipta ábyrgist ríkissjóður eingöngu kostnað launþegans vegna

- a) kröfulýsingar í þrotabú,
- b) greiðslukröfu til ríkissjóðs,
- c) móts í skiptarétti.

3. gr.

Félagsmálaráðherra hefur að höfðu samráði við heilbrigðisráðherra ákveðið að fela Tryggingastofnun ríkisins að annast meðferð mála vegna ríkisábyrgðar á launum við gjaldþrotaskipti. Félagsmálaráðherra tekur endanlega ákvörðun um hvort krafa um ríkisábyrgð á launum verði tekin til greina sbr. 11. gr. 1. nr. 88/1990.

4. gr.

Reglugerð þessi er sett samkvæmt heimild í 15. gr. laga nr. 88/1990 og öðlast þegar gildi. Reglugerðin tekur til krafna í bú, sem tekin hafa verið til gjaldþrotaskipta eftir 28. febrúar 1990. Jafnframt er úr gildi felld 11. gr. rg. nr. 9/1980 um Vinnumálaskrifstofu félagsmálaráðuneytisins og rg. nr. 247/1990 um ríkisábyrgð á launum.

Félagsmálaráðuneytið, 13. ágúst 1990.

Jóhanna Sigurðardóttir.

Berglind Ásgeirsdóttir.

7. ágúst 1990

Nr. 340

AUGLÝSING

um umferð í Reykjavík.

A.

Samkvæmt heimild í 81. gr. umferðarlaga nr. 50/1987 og að fenginni tillögu borgarráðs hefur verið ákveðin einstefna á Bugðulæk frá Rauðalæk að Laugalæk og skástæði að vestanverðu á götunni.

Ákvörðun þessi tekur gildi 12. september 1990.

B.

Samkvæmt heimild í 81. gr. umferðarlaga nr. 50/1987 og að fenginni tillögu borgarráðs hefur verið ákveðið að

1. á önefndri götu austan Skógarhlíðar nr. 6 verði gert ráð fyrir akstri SVR frá Skógarhlíð að Bústaðavegi. Við Bústaðaveg verði komið fyrir slá með opnunarbúnaði fyrir SVR.
2. einstefna verði á önefndri götu norðvestan við Vatnsmýrarveg nr. 37 frá Skógarhlíð að hægribeygjurampa milli Bústaðavegar og Vatnsmýrarvegar.

Ákvörðun þessi tekur gildi 23. ágúst 1990.

C.

Samkvæmt heimild í 81. gr. umferðarlaga nr. 50/1987 og að fenginni tillögu borgarráðs hefur verið ákveðið að

1. á Bústaðavegi vestan Kringlumýrarbrautar verði hámarkshraði 60 km á klukkustund.
2. hámarkshraði á Miklubraut vestan Kringlumýrarbrautar og á Hringbraut austan Bjarkar-götu verði 60 km á klukkustund.

Ákvörðun þessi tekur gildi 23. ágúst 1990.

D.

Samkvæmt heimild í 81. gr. umferðarlaga nr. 50/1987 og að fenginni tillögu borgarráðs hefur verið ákveðin

1. einstefna á Sólvallagötu frá Hofsvallagötu að Bræðraborgarstíg með skástæðum að sunnanverðu.